
Xotira va qadrlash kuni munosabati bilan Rishtonning qahramon o'g'loni Mamadali Topvoldiev memorial muzeyining tantanali ochilish marosimi bo'lib o'tdi

Xotira va qadrlash kuni munosabati bilan bugun Rishton tumani Zohidon MFY hududida Rishtonning qahramon o'g'loni Mamadali Topvoldiev xotirasini abadiylashtirish maqsadida uning memorial muzeyi foydalanishga topshirildi.Unda viloyat hokimi Xayrullo Bozorov, Sharqiylar okrug qo'shinlari qo'mondoni birinchi o'rnbosari Jamshid Karimov, viloyat sektorlari rahbarlari, viloyat Mudofaa va Xavfsizlik tizimlari rahbarlari, Belarussiyadan kelgan mehmonlar, uning oila-a'zolari, keng jamoatchilik vakillari ishtirok etdi.Ochilish marosimida so'z olgan viloyat hokimi Xayrullo Bozorov, Mamadali Topvoldievning buyuk qahramonliklarini faxr bilan qayd etdi. Viloyat rahbari, jahondagi bugungi murakkab sharoitda yurtimizda hukm surayotgan tinchlikni qadrlash, osoyishta hayot uchun shukronalik har qachongidan ko'ra muhimligiga ham e'tibor qaratdi.Mamadali Topvoldiev 1938 yilda urushga borib, Belorusiya hududidagi janglarda katta qahramonliklar ko'rsatib, fashistlarni larzaga keltirgan, g'alaba uchun o'z hissasini qo'shgan. Uni "Kazbek" deb nomlashgan. Shu nomni eshitgan har qanday dushmanning oyog'i qaltiragan.Belorusxalqi ham Mamadali Topvoldievni yaxshi ko'radi va u kishini nomini abadiylashtirish maqsadida jang bo'lgan qishloqlarga nomini berib, e'zozlab keladi. "O'zbekfilm" hamda "Belarusfilm" Milliy kinostudiysi o'rtasida hamkorlikda "Osiyo arsloni" nomli filmni viloyatimizda suratga olish ishlari ham boshlab yuborildi. Bugungi tadborda, "Belarusfilm" milliy kinostudiysi Bosh direktori Vladimir Karachevskiy hamda filmda rolb oigan ijodkorlar ishtirok etishdi. Belorusliklar nomidan Mamadali Topvoldiev timsolida o'zbek xalqiga minnatdorchilik bildirgan Vladimir Karachevskiy, "Biz, Belorusxalqiga tinch hayotni baxsh etganlarni hech qachon unutmaymiz" deb ta'kidladi. Bosh rolni Ulug'bek Qodirov ijro etayotgan Mamadali Topvoldiev haqidagi biografik drama O'zbekistonda va Belorusda suratga olinadi va kelgusi yil 9 mayda prem'erasi bo'lib o'tadi.Nuroniyalar ishtirokida ramziy tasma qirqilib, tadbir ishtirokchilari muzey faoliyati bilan tanishdilar.Mamadali Topvoldievning muzeyida uning orden, medallari, faxriy yorliqlar, ro'zg'or buyumlari, yozishmalari, shaxsiy kiyimlari, qurollar, urush haqidagi adabiyotlar jamlangan.Muzey qurilishi uchun viloyat mahalliy byudjetidan 1,5 mlrd. so'm mablag' ajratildi.

2022-05-09 06:41:55